

ԱՄՍՆՈՐՅԱԿԱՆ

ԻՆՉ ՏՎԵՑ ՔԵՉ 2022-Ը ԵՎ ԻՆՉ ԵՍ ՄՊԱՍՈՒՄ 2023-ԻՉ

Ինչո՞ւ է Նոր տարին ամենասիրվածն ու ամենասպասվածը: Գուցե նրա համար, որ իր մեջ ունի հրաժեշտի ու նաեւ սպասման իրար հակոտնյա, բայցեւ մարդկային հոգու խորհրդավոր ու սրբազան պահերը, երբ, անկախ տարիքից, յուրաքանչյուրն իր Կյանքի գրքում բացում է հավատի, հույսի ու սիրո մի նոր էջ:

Մեր թղթակիցներ Ջուլիետա Բադալյանի եւ Գայանե Բոստանջյանի հարցերին պատասխանում են մեր ընթերցողները:



ԱՆԻ ՂՈՒՇՉՅԱՆ, մեցցո-սոպրանո, Թբիլիսի, 26 տարեկան

- Տարին ամփոփում եմ գոհունակությամբ ու նաեւ շնորհակալությամբ բոլոր նրանց, ովքեր աջակցել ու ոգեւորել են ինձ: Որովհետեւ որքան էլ հաջողակ ու ինքնավստահ լինեմք, մենք մշտապես միմյանց գնահատանքի ու ջերմության կարիքն ունենք:

2022-ին գրանցեցի մի շարք հաջողություններ, որոնցից թերեւս հատկանշականը Իտալիայում անցկացվող SOI Fiorenza Cedolis միջազգային մրցույթին մասնակցությունն էր, որտեղ ինձ շնորհվեց հանդիսատեսի համակրանք մրցանակն ու եվրոպական օպերային թատրոններում մի շարք լուծման մասնակցելու հնարավորությունը: Սեպտեմբեր ամսին, արդեն Իտալիայի Բոլոնիա քաղաքի պատմական օպերային թատրոնում, օպերային թատրոնի նվագախմբի նվագակցությամբ, կայացավ մրցույթի գալա համերգն ու մրցանակաբաշխությունը: Շատ չանցած մասնակցեցի կրկին Իտալիայում Ottavio Zino միջազգային մրցույթին, որտեղ ստացա հրավեր Միլանի Լա Սկալլա Օպերային թատրոնի ակադեմիայից, թատրոնի տնօրեն Դոմինիկ Մեյերից: Վերջին հաջողություններս, որոնք տարեփակման շատ մեծ ձեռքբերում են համարում, արդեն ԱՄՆ-ի հետ են կապված: Մասնակցել եմ Premier Opera Foundation միջազգային մրցույթին: Այն անցկացվում էր 2 ձեւաչափով Նյու Յորքում ու նաեւ օնլայն: Ես դարձա այս մրցույթի հաղթողը օնլայն ձեւաչափով: Գարնանը Նյու Յորքում արդեն կկայանա մրցույթի գալա համերգն ու մրցանակաբաշխությունը:

2023 թվականն ինձ համար արդեն հետաքրքիր է սկսվում: Այժմ գտնվում եմ Յուլիսոն քաղաքում, որտեղ մասնակցում եմ շատ մեծ ու կարեւոր մրցույթի, որը դեռ ընթանում է եւ կավարտվի գալիք տարվա սկզբին:

Թող գալիք տարին աշխարհին խաղաղություն, սեր եւ համերաշխություն բերի, շնորհավոր Ամանոր եւ Սուրբ Ծնունդ:



ԱՇՈՏ ՄԻՍՈՆՅԱՆ, Թբիլիսի-ի Պ.Ադամյանի անվան պետական հայկական դրամատիկական թատրոնի դերասան

- Անցնող 2022-ը ինձ համար բարդություններով եւ մինչ այդ չեղած, անսպասելի երեւոյթներով լեցուն տարի էր՝ թե՛ առողջական եւ թե՛ հոգեկան տեսակետից:

Ձեռքբերումներից մեկը եղավ հակումը դեպի ընթերցանություն:

Նորովի գիտակցեցի իմ կյանքում հարազատների կարեւորությունը, ու դա ինձ մղում է առանձնակի սիրել ու գնահատել ճակատագրի պարգեւած այդ թանկ արժեքները: Նոր լույսի տակ տեսա իմ առաջին՝ Թամազի դերը՝ Նորար Դումբաձեի «Կուկարաչա» ներկայացման մեջ (բեմադրող-ռեժիսոր՝ Շոթա Կոբիձե) եւ հանկարծ հասկացա, թե ինչքան ուսանելի բան կար ներկայացման իմ մենախոսություններում:

Բեմական կյանքում իրականացավ իմ երազանքներից մեկը, խաղացի Խլեստակովի դերը Ն.Գոգոլի «Ռեւիզորում»: Բայց կա մեկ դեր եւս, որ երազում եմ, դա Շեքսպիրի հերոսի՝ Համլետի կերպարն է մույնամուկ ներկայացման մեջ, բայց որի համար դեռ պետք է աճեմ...

Ապրենք եւ՝ հուսանք: Բարին՝ բոլորին:



ՄԱՐԻՆԵ ՄԱՐՈՋՅԱՆ, Իվ.Ջավախիշվիլու անվան ԹՊԴ-ի հոգեբանության եւ կրթության գիտության ֆակուլտետի ուսանող, Նինոծմինդայի մուսիկայական Փոքր Խանջալի գյուղ:

- Ամանորի նախաշեմին որոշեցի շնորհակալությամբ հրաժեշտ տալ 2022-ին, անկախ նրանից՝ լավ եւ այն, թե՛ ոչ: Բնականաբար, ամեն տարվա մեջ լինում են ե՛ւ լավ, ե՛ւ վատ իրադարձություններ, սակայն իմ անձնական կյանքում ամեն ինչ հարթ ու խաղաղ է ընթացել: Փառք Աստծո, ունեն գեղեցիկ ու ջերմ ընտանիք եւ՝ հնա-

րավորություն, որ ստանամ բարձրագույն կրթություն ու հույսով նայեմ ապագային: Այս տարին ինձ, կարծում եմ նաեւ բոլորի համար, հատկանշական էր նրանով, որ պանդեմիայի հետ կապված սահմանափակումները վերացան, եւ մարդիկ վերադարձան իրենց բնականոն կյանքին: Անձամբ, պանդեմիայի տագնապների հետ կապված, ձեռք բերեցի ունեցածը գնահատելու եւ կյանքի դժվարություններին նպատակասլացությամբ դիմադրելու ունակություն:

Գալիք տարվա հետ կապված միակ երազանքս այն է, որ 2023 թվականը աշխարհի եւ հատկապես Վրաստանի ու Հայաստանի համար լինի խաղաղության եւ բարեկեցության տարի, որ ոչ մի նոր ու երեխայի աչքերում կորստի, ցավի արցունք չերելա:

Այս դեպքում իմ երջանկությունը լիարժեք կլինի:



ՔՐԻՍՏԻՆԱ ՌԵՍԱԿՅԱՆ, Երգերի հեղինակ, երգչուհի

2022 թվականն ինձ համար բացառիկ տարի էր, տարի, երբ իմ ցանկություններից շատերն իրականացան՝ ծնունդ տալով նորերին:

Այս տարի մասնակցեցի Իսպանիայի Լորետ դե Մար քաղաքում անցկացվող «Fiestalonia Milenio» երաժշտական հեղինակավոր մրցույթին, ճանաչվելով փառատոնի հաղթող: Հեղինակային ու համաշխարհային հիթերով հանդես եկա վրացական չորս առաջատար հեռուստաալիքների ու ռադիո եթերներում:

...Իհարկե, երաժշտությունն այն է, ինչ զարդարում է իմ կյանքը, բայց նույնիսկ երաժշտությունը չէր լինի առանց այս աշխարհի ամենագորեղ զգացողության, առանց ՍԻՐԻ: Այս տարի էր, որ հանդիպեցի իմ սիրելիին եւ բոլորովին պատահական, այնտեղ, ուր երբեք չէի սպասի: Մեր առաջին հանդիպումը կայացավ իմ աշխատավայրում, որտեղ ամուսինս՝ Միշա Մուկոյանը, Վրաստանի պետական էներգետիկ ընկերության աշխատակիցը, եկել էր մեր ընկերության ծառայությունը ստանալու: Առաջին իսկ այցելության պահին տեսավ ինձ եւ այդ օրվանից սկսվեցին մեր սիրո պատմության ամենագեղեցիկ օրերը, որոնք շատ կարճ ընթացքում բերեցին դեպի համատեղ երազանքների իրականացման կյանք, դեպի ամուսնություն, ու... մենք արդեն սպասում ենք մեր բալիկին... Այնպես որ, Աստծո կամոք, մեծ հույսով եմք մուտք գործում 2023, հավատով, որ մեր կյանքում այն նույնքան բացառիկ է լինելու:

ԱՅՑ

ԱՊԱԳԱ ՄԱՐԿՈՒԹՅԱՆ ԵՐԶԱՆԿՈՒԹՅՈՒՆԸ ՄԻԱՅՆ ԳԻՏԵԼԻՔՆԵՐՈՒՄ Է

ՀԱՍՏԱԳՈՐԾԱԿՑՈՒՄ ԵՆ ՎՐԱՍՏԱՆԻ ԵՎ ՀԱՅԱՍՏԱՆԻ ՈՒՍՈՒՑԻՉՆԵՐԸ

Վրաստանի կրթության ու գիտության եւ Հայաստանի կրթության, գիտության, մշակույթի եւ սպորտի նախարարությունների ենթակայությամբ գործող տարբեր կառույցների միջեւ համագործակցության շրջանակներում, այս անգամ Թբիլիսիում, Վրաստանի ուսուցիչների մասնակցությամբ, հանդիպեցին երկու երկրների միջազգային համաեվրոպական դպրոցական Իթվինինգ (eTwinning) ծրագրի ղեսպանները:

Վրաստանի Ուսուցիչների մասնագիտական զարգացման ազգային կենտրոնում կայացավ երկօրյա աշխատանքային հանդիպում:

«Վրաստան»-ը գրուցեց Հայաստանի Տավուշի մարզի eTwinning ծրագրի ղեսպան, նորարար ուսուցիչ, մենթոր ուսուցչուհի Նազիկ Գիշյանի եւ Վրաստանի մենթոր ուսուցչուհի Թեա Գոցիրիձեի հետ:

- Մեր գործն է՝ սովորել ու սովորեցնել, ձգտել կուտակել հնարավորին չափ շատ գիտելիքներ, որովհետեւ հասարակական լուրջ հոսանքներն այնտեղ են, որտեղ գիտելիքներն են, եւ ապագա մարդկության երջանկությունը միայն գիտելիքներում է: Իսկ մենք այսօր շատ նոր գիտելիքներ ստացանք ինչպես մանկավարժության, այնպես էլ՝ STEM (այն է՝ բնագիտական) ոլորտում, հիացանք Վրաստանի ուսուցիչների վերապատրաստման համար նախատեսված լաբորատորիաների հագեցվածությամբ, ինչպես նաեւ ուսուցիչների հմտությունից, ասաց Նազիկ Գիշյանը:

- Տարբեր թեմաներով վարժանիստերն ու սեսիաներն անցան բուռն քննարկումների, մտքերի փոխանակության մթնոլորտում: Մասնակիցները կիսվեցին կուտակված փորձով եւ ծրագրեցին ապագա, համատեղ



աշխատանքները, իր հերթին նշեց Թեա Գոցիրիձեն:

Դեսպան-ուսուցիչները վկայում են, որ այսպիսի հանդիպումները մեծ խթան են իրենց մասնագիտական ու եվրոպական ծրագրերի զարգացման համար:

Մանրամասները, որ եվրոպական դպրոցների համագործակցության Իթվինինգ ծրագիրը ԵՄ երկրներում սկսվել է 2005 թվականից: Ծրագրի մասնակիցների հիմնական աշխատանքային տարածքը eTwinnig-ի նոր հարթակն է, որը ուսուցիչներին ու դպրոցական անձնակազմին շփվելու, ծրագրեր մշակելու, զարգանալու, եվրոպական կրթական համայնքի ակտիվ անդամ դառնալու հնարավորություն է տալիս: Իթվինինգ կրթական համայնքին Վրաստանը միացել է 2013 թվականից: Ծրագրում ներառված է 1300 դպրոց եւ 2300 ուսուցիչ: Հայաստանում ծրագիրը սկսել է գործել 10 տարի առաջ: Մասնակիցների թիվը կազմում է շուրջ 680 դպրոց եւ 2000 ուսուցիչ:

ԿԱՐԻՆԵ ՄԱՆՈՒԿՅԱՆ

ՄԻՋՈՑԱՌՈՒՄ

«ԶԱՐԵՆՅԱՆ ԸՆԹԵՐՅՈՒՄՆԵՐ»՝ «ՀՈՎՀԱՆՆԵՍ ԹՈՒՄԱՆՅԱՆԻ ՏՈՒՆ» ԿԵՆՏՐՈՆՈՒՄ

Վիրահայոց թեմի «Հովհաննես Թումանյանի տուն» գիտակրթամշակութային կենտրոնում կայացավ Եղիշե Չարենցի ծննդյան 125-ամյակին նվիրված «Չարենցյան ընթերցումներ» միջոցառումը:

Այն դարձավ նաեւ կենդանության տարիներին ազգի երկու հանճարների չկայացած հանդիպման Եղիշե Չարենցի յուրօրինակ հյուրընկալությունը Հովհաննես Թումանյանի պատմական թբիլիսյան բնակարանում այժմ «Հովհաննես Թումանյանի տուն» կենտրոնում:

Միջոցառմանը ներկա էին Վրաստանում Հայաստանի դեսպանության մշակույթի հարցերով խորհրդական Աննա Սահակյանը, Երեւանի Հովհաննես Թումանյանի հիմնադրամի տնօրեն Անի Եղիազարյանը, թբիլիսիական մտավորականներ:

Միջոցառման անակնկալը վիճակահանությամբ ներկայներին բաժին ընկած հայերեն, վրացերեն եւ ռուսերեն գրված Եղիշե Չարենցի բանաստեղծություններով մագաղաթ-

ների ընթերցումն էր: Միջոցառմանը երաժշտական տրամադրություն հաղորդեցին դաշնակահար Եսայի Աբովյանը եւ կիթառահար Լեւոն Ալոյանը:

Աշխատանքային այցով Թբիլիսի ժամանած Երեւանի տուն-թանգարանի տնօրենը հանդիպում ունեցավ Վիրահայոց թեմի առաջնորդ Կիրակոս վարդապետ Դավթյանի հետ, որտեղ քննարկվեցին այն նոր ծրագրերն ու համագործակցության եզրերը, որոնք իրականացնելու են Թբիլիսիի «Հովհաննես Թումանյանի տուն» կենտրոնը եւ Երեւանի Հովհաննես Թումանյանի տուն-թանգարանը՝ Ամենայն Հայոց բանաստեղծի մահվան 100-ամյա տարելիցի կապակցությամբ:

ՍՈՒԲԱՆՆԱ ԽԱԶԱՏՐՅԱՆ



ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶԴՐԵՍԻ ՆՅՈՒԹԵՐՈՎ

ՆԻԿՈՒ ՓԱՇՏԻՆՅԱՆ. «2022-Ը ԵՂԵԼ Է ՀԱՄԱԿԱՐԳԱՅԻՆ, ԻՆՍՏԻՏՈՒՑԻՈՆԱԼ ԲԱՐԵՓՈԽՈՒՄՆԵՐԻ ՏԱՐԻ»

Դեկտեմբերի 30-ին Հայաստանի վարչապետ Նիկոլ Փաշինյանը, Հայաստանի նախագահ Վահագն Խաչատուրյանի հետ, մասնակցեց Ամանորի եւ Սուրբ Ծննդյան տոների առիթով պետական կառավարման համակարգի ներկայացուցիչների համար կազմակերպված ընդունելությանը:

Միջոցառման իր խոսքում վարչապետ Նիկոլ Փաշինյանը նշեց, որ 2022 թվականին ամերկյա էականորեն բարձրացավ պետական կառավարման որակը:

- Ընդհանրապես, եթե տարին ամփոփենք պետական կառավարման տեսակետից, պիտի արձանագրենք նաեւ, որ 2022 թվականը թերեւս մեզ համար, բարեփոխումների իմաստով, ամենաարդյունավետ տարին էր, որովհետեւ այս տարի հսկայածավալ բարեփոխումներ ենք իրականացրել,- հայտարարեց վարչապետը:

Միաժամանակ նա նշեց, որ եղել են դժվարություններ, եղել են սխալներ, բայց ձախողում ոչ մի համակարգում չի եղել:

- 2022 թվականն ինչպե՞ս կանվանենք: Այո, կարող ենք անվանել ամենատարբեր ձեւերով. կարող ենք անվանել Հայաստանի դեմ ագրեսիայի տարի, նոր տարածքային կորուստների տարի... Այո, կարող ենք նաեւ այդպես անվանել, բայց եթե ուզում ենք օբյեկտիվ



գնահատել տարին՝ իրական գնահատականն այն է, որ սա լուրջ, լրջագույն, համակարգային, ինստիտուցիոնալ բարեփոխումների տարի է եղել,- եզրափակեց Նիկոլ Փաշինյանը:

ՀԱՅԱՍՏԱՆԻ ՎԱՐՉԱՊԵՏԸ ՍԱՆԿՏ ՊԵՏԵՐԲՈՒՐԳՈՒՄ ՄԱՍՆԱԿՅԵԼ Է ԱՂՆԵՐԿՆԵՐԻ ՂԵԿԱՎԱՐՆԵՐԻ ՈՉ ՊԱՇՏՈՆԱԿԱՆ ԳԱԳԱԹԱԺՈՂՈՎԻՆ



Միջոցառմանը մասնակցել են նաեւ Ռուսաստանի Դաշնության նախագահ Վլադիմիր Պուտինը, Ղազախստանի նախագահ Կասիմ-ժոմարտ Տոկաեւը, Ղրղզստանի նախագահ Սադիր ժապարովը, Բելառուսի նախագահ Ալեքսանդր Լու-

Դեկտեմբերի 26-ին Հայաստանի վարչապետ Նիկոլ Փաշինյանը Սանկտ Պետերբուրգում մասնակցել է ԱՊՀ մասնակից պետությունների ղեկավարների ոչ պաշտոնական զագաթաժողովին:

Կաշենկոն, Տաջիկստանի նախագահ Էմոմալի Ռահմոնը, Ուզբեկստանի նախագահ Շավքաթ Միրզիյոեւը, Թուրքմենստանի նախագահ Սերդար Բերդիմուխամեդովը, Ադրբեջանի նախագահ Իլհամ Ալիեւը:

Նախ, տեղի է ունեցել հանդիպման մասնակիցների տեսալուսանկարահանման արարողությունը, այնուհետեւ՝ ներկաներին ողջունել է ՌԴ նախագահ Վլադիմիր Պուտինը:

Հանդիպմանը քննարկվել են ԱՊՀ տարածքում համագործակցության զարգացմանը վերաբերող հարցեր:

Գագաթաժողովն ավարտվել է ԱՊՀ պետությունների առաջնորդների աշխատանքային ճաշով:

6,5 ՄԻԼԻՈՆ ԵՎՐՈՅԻ ՆԵՐԴՐՈՒՄԱՅԻՆ ԾՐԱԳԻՐ` ՀԱՅԱՍՏԱՆԻ ՍՈՑԻԱԼԱԿԱՆ ՈԼՈՐՏՈՒՄ

Եվրոպական միությունը, ՅՈՒՆԵՍԵՖ-ի, ՄԱԶԾ-ի եւ ՊՅԾ-ի հետ համատեղ, ստորագրել է «Ներդրում կատարելու մասին համաձայնագիր» (6,5 մլն եվրո)՝ աջակցելու Հայաստանի կառավարության սոցիալական պաշտպանության համակարգի բարելավմանն ու արդիականացմանն ուղղված ջանքերին:

Հայաստանի աշխատանքի եւ սոցիալական հարցերի նախարարության համակարգմամբ, հաջորդ չորս տարիների ընթացքում, ծրագրի շրջանակներում, կի-

րականացվեն աշխատանքներ՝ ցնցումների արձագանքմանն ուղղված ազգային ռազմավարությունների մշակման, տվյալների համակարգերի արդիականաց-

ման, սոցիալական ծառայության աշխատուժի կարողությունների զարգացման եւ պիլոտային ՍՊ ծրագրերի ուղղությամբ:

Ծրագրի արդյունքում, Հայաստանում կամրապնդվի սոցիալական պաշտպանության ոլորտը՝ աջակցելու խոցելի խմբերին եւ բարելավելու ցնցումներին ու ճգնաժամներին արձագանքելու պատրաստվածությունը:

ՏՆՏԵՍԱԿԱՆ ԱԿՏԻՎՈՒԹՅԱՆ ԱՃԸ` 14,4 ՏՈԿՈՍ

Հայաստանի վիճակագրական կոմիտեի հրապարակած տվյալներով՝ Հայաստանի տնտեսական ակտիվության ցուցանիշը 2022 թվականի հունվար-նոյեմբերին՝ 14,4 տոկոսով ավելացել է նախորդ տարվա նույն ժամանակահատվածի համեմատ:

Արդյունաբերական արտադրանքի ծավալը, այս տարվա հունվար-նոյեմբերին, նախորդ տարվա հունվար-նոյեմբերի համեմատ, ավելացել է 8,4 տոկոսով: Շինարարության ծավալը, այս տարի 11 ամսում, նախորդ տարվա նույն ժամանակի համեմատ, ավելացել է 13,9 տոկոսով:

Առևտրի շրջանառությունում, հունվար-նոյեմբերին 2021-ի նույն ժամանակահատվածի համեմատ, ավելացումը կազմել է 16,2 տոկոսով:

2022 թվականի 11 ամսում մատուցված ծառայությունների ծավալը, նախորդ տարվա նույն ժամանակահատվածի համեմատ, ավելացել է 28,2 տոկոսով:

Իսկ այս տարվա հունվար-նոյեմբերին, սպառողական զենքի ինդեքսը, 2021-ի նույն ժամանակահատվածի համեմատ, աճել է 8,7 տոկոսով: Արդյունաբերական արտադրանքի զենքի ինդեքսը, հունվար-նոյեմբերին, 2021-ի 11 ամսվա համեմատ, աճել է 2,9 տոկոսով:

ՀԱՅԱՍՏԱՆ ՆԵՐՄՈՒԾՎՈՂ ՏՐԱՆՍՊՈՐՏԱՅԻՆ ՄԻՋՈՑՆԵՐԻՆ ՆԵՐԿԱՅԱՑՎՈՂ ՊԱՅԱՆՋՆԵՐԸ

Հայաստանի կառավարության որոշմամբ՝ սահմանվեց ԵԱՏՄ անդամ չհանդիսացող պետությունների (երրորդ երկրներ) անվավոր տրանսպորտային միջոցներ արտադրողների պաշտոնական ներկայացուցիչների կողմից Հայաստան ներմուծվող (ներմուծված), Հայաստանում արտադրված, Հայաստանում շրջանառության մեջ դրվող անվավոր տրանսպորտային միջոցներին (այսուհետ՝ տրանսպորտային միջոց) ներկայացվող պահանջները եւ դրանց համապատասխանության գնահատման կանոնները:

Ներմուծված տրանսպորտային միջոցների ռեեստրի ձեւավորման ու վարման գործընթացն ապահովելու

է «Ստանդարտացման եւ չափագիտության ազգային մարմին» ՓԲԸ-ն, իսկ տրանսպորտային միջոցներին ներ-

կայացվող պահանջների կատարման նկատմամբ վերահսկողությունը վերապահվել է Հայաստանի քա-



ղաքաշինության, տեխնիկական եւ հրդեհային անվտանգության տեսչական մարմին:

ԳՐԻԳՈՐ ՄԵԼՍՍՅԱՆԸ` ՀԱՅԱՍՏԱՆԻ ԱՐԴԱՐԱԳԱՏՈՒԹՅԱՆ ՆԱԽԱՐԱՐ



Հայաստանի նախագահ Վահագն Խաչատուրյանը դեկտեմբերի 26-ին ստորագրել է համաշայնագիր Գրիգոր Մինասյանին Արդարադատության նախարար նշանակելու վերաբերյալ:

39-ամյա Գրիգոր Մինասյանը ավարտել է Հայ-Ռուսական (Սլավոնական) համալսարանի իրավագիտության ֆակուլտետը, սովորել է Հայաստանի պետական կառավարման ակադեմիայում, պաշտպանել է գիտական թեզը եւ դարձել իրավաբանական գիտությունների թեկնածու: Աշխատել է Հայաստանի արդարադատության նախարարության համակարգում: 2013-2018 թվականներին ընտրվել է Երեւանի ավագանու անդամ: 2022 թվականին զբաղեցնում էր Արդարադատության փոխնախարարի պաշտոնը: Ամուսնացած է, ունի երեք դուստր:

COVID-19. ՄԵՎ ԸՆԲԱՐՈՒՄ ՎԱՐՈՐԱՅՎԵԼ Է ՎԱՐԱՎՄԱՆ 37 ԴԵՊԸ

Հայաստանի առողջապահության նախարարության տեղեկությամբ՝ Հայաստանում, դեկտեմբերի 19-ից դեկտեմբերի 25-ն ընկած ժամանակահատվածում, կատարվել է 1023 թեստավորում, գրանցվել է կորոնավիրուսային հիվանդության 37 դեպք: Նշված ժամանակահատվածում գրանցվել է մահվան 2 դեպք:

Հայաստանում, ընդհանուր առմամբ, կատարվել է 3 մլն 242 հազար 901 թեստավորում, հաստատվել է կորոնավիրուսային հիվանդության 445 հազար 976 դեպք: Առողջապահության ընդհանուր թիվը կազմում է 435 հազար 162, մահացել է 8 հազար 716 քաղաքացի:

ԷՊՈՒՐԱԳ ՍՊԵՐՅԱՆԸ` ՀԱՅԱՍՏԱՆԻ ՏԱՐԱՎ ԱՎԱՐՈՒԹՅԱՆ ՖՈՒՏԵՐԻՍ



Հայաստանի ֆուտբոլի ֆեդերացիան ամփոփել է Հայաստանի 2022թ. լավագույն ֆուտբոլիստի թվեարկության արդյունքները: Հավաքելով 76 միավոր՝ 2022թ. լավագույն ֆուտբոլիստ է ճանաչվել Հայաստանի ազգային հավաքականի եւ «Կրասնոդարի» կիսապաշտպան Էդուարդ Սպերյանը: Երկրորդ հորիզոնականում է իրավական «Ինտեր» կիսապաշտպան Հենրիխ Մխիթարյանը (74 միավոր): 20 միավորով երրորդ հորիզոնականը զբաղեցրել է Հայաստանի ազգային հավաքականի եւ «Փյունիկի» կիսապաշտպան Արտակ Դաշյանը:

ՀԱՅԱՍՏԱՆԻ ՀԱՎԱԶԱՐՈՒՄԸ 95-ԲԳԵ Է ՖԻՅԱ-Ի ԱՐՅԱՆՍԿԱՐԳ

Ֆուտբոլի միջազգային ֆեդերացիան՝ ՖԻՖԱ-ն, հրապարակել է նոր դասակարգման աղյուսակը:

Վարկանիշային նոր աղյուսակում Հայաստանի ընտրանին նահանջել է երկու հորիզոնականով եւ գտնվում է 95-րդ տեղում: Վրաստանը նոր աղյուսակում 78-րդն է: Աղյուսակի առաջատարը կրկին Բրազիլիան է: Աշխարհի նորընծա չեմպիոն Արգենտինան երկրորդն է: Լավագույն տասնյակում են նաեւ Ֆրանսիան, Բելգիան, Անգլիան, Նիդերլանդները, Խորվաթիան, Իտալիան, Պորտուգալիան, Իսպանիան:

ՄՈՒՆՏ (1948, 1960, 1972, 1984, 1996, 2008)



Տարին կլինի հետաքրքիր, արդյունավետ ու երջանկաբեր: Ի հայտ կգան բազում նոր հնարավորություններ, որոնք ձեզ կտան արոժիպի մեծ աճի եւ կյանքի պայմանների բարելավման հնարավորություն: Հաջողության հասնելու երաշխիքը նոր գիտելիքների ձեռքբերումն է: Դուք կունենաք բոլոր շանսերը՝ ինքնաարտահայտման եւ ձեր ընդունակությունների բացահայտման համար: Տարին խոստանում է նյութական բարելավում: Ժամանակն է, որ ձեր ջանքերն ու աշխատասիրությունը վարձատրվեն ըստ պատշաճի, ինչը, իրեն հերթին, կբերի նաեւ եկամտի աճ:

Ինչ վերաբերում է անձնական, ապա՝ կատեղծվեն անձնական փոխհարաբերությունների ներդաշնակման բոլոր շանսերը, իսկ միայնակ Աննետները կհանդիպեն իրենց երկրորդ կեսին:

ՅՈՒԼ (1949, 1961, 1973, 1985, 1997, 2009)



Սպասվում են անկանխատեսելի իրադարձություններ, որոնք հեշտությամբ չեն կարգավորվի: Հարկ կլինի դրսևորել ինքնատիրապետում ու դուրս չգալ պատշաճության սահմաններից: Տարին խոստանում է փոփոխություններ թե՛ աշխատանքում, թե՛ կարիերայում: Հնարավոր է՝ կյանքը ձեզ կանգնեցնի կարեւոր ընտրության առաջ: Ի դեպ, ձեր հետագա ճակատագիրը կախված կլինի այդ պահին կայացրած ճիշտ ընտրությունից: Տարվա 2-րդ կեսն առավել բարենպաստ է՝ արոժիպի մեծ գործունեության ուղղությամբ: Որոշ փորձություններից հետո, անձնական ջանքերի շնորհիվ, կկարողանաք հաջողությամբ հասնել ձեր նպատակներին: Տարին խոստանում է ֆինանսական վիճակի բարելավում: Ցուլը վերջապես կունենա այն, ինչ վաղուց երազում էր:

ՎԱԳՐ (1950, 1962, 1972, 1986, 1998, 2010)



Տարին կլինի խաղաղ եւ ձեզ կընծեի խնդիրների հետեւողական լուծման հնարավորություն: Լուրջ դժվարություններ չեն սպասվում: Ողջ տարին կուղեկցվի հաջողություններով: Ի դեպ, այն կարող է դառնալ հաջորդ տարվա վերընթաց թռիչքի հիմքը: Բայց դա բնավ չի նշանակում, որ աշխատանքում ու կարիերայում չեն լինի դժվարություններ: Մեր խորհուրդն է՝ մինչ կարեւոր որոշում կայացնելը, ամեն ինչ ծանրուկշիռ անել: Տարին հարմար է նոր ծրագրերի համար: Նպատակի իրագործման համար՝ ձեզանից կպահանջվեն առավելագույն ջանքեր:

Տարվա վերջում Վագրի եռանդն ու ջանքերը վարձատրված կլինեն. դուք կհասնեք ձեր սպասված հաջողություններին:

ՃԱԳՐ (ԿԱՏՈՒ) (1951, 1963, 1975, 1987, 1999, 2011)



Տարվա տիրոջ համար տարին կլինի կայուն ու անվտանգ: Բոլոր գործերը կկարգավորվեն: Ճագրի տարին ճագրի համար կլինի առանձնահատուկ. ճագարը կկանգի ճակատագրական

Ի՞ՆՉ Է ԽՈՍՏԱՆՈՒՄ ՄԵՉ ԶՐԱՅԻՆ ՃԱԳՐԸ

Գալիք տարվա հովանավորը Սեւ Ջրային ճագարն է (Կատուն): Ըստ չինական օրացույցի՝ նա իր օրինական իշխանությունը կսահմանի հունվարի 22-ից:

Եթե մեզ հաջողվի մտերմանալ մեր Հովանավորի հետ ու արդարացնել նրա սպասումները, ապա նա մեզ կհատուցի խաղաղությամբ, բարօրությամբ, կայունությամբ եւ անդորրով: Նոր տարին, ընդհանուր առմամբ, խոստանում է լինել բարյացակամ ու արգասաբեր:

Սպասվում են խաղաղ փոխհարաբերությունների վերականգնում եւ՝ բարօրություն ընտանեկան գործերում: Ջրային ճագարը խորհրդանշում է խաղաղասիրություն, նահապետական կարգուկանոն կյանքում: Նա զուսպ բարքերի կողմնակից է եւ չի սիրում ներգրավվել ու մասնակից դառնալ որեւէ վեճի ու կռվի: Սակայն, այնուհանդերձ, հանուն ընտանիքի ու ընկերների, պատրաստ է ամեն ինչի: Ճագարը համարվում է խաղաղության ու միասնականության մարմնացում: Նա իր բնավորությամբ զուսպ եւ հավասարակշռված է:

որոշումների առաջ ու տարին նրա համար կդառնա՝ կյանքի տարբեր ոլորտների նորացման մի շրջան: Ահա ինչու, հիմա հարմար պահ է՝ կողմնորոշվելու, թե ի՞նչն է խանգարում ձեր զարգացմանն ու առաջընթացին: Ժամանակը շատ հարմար ու բարենպաստ է՝ նոր եւ վաղուց երազած ծրագրերի իրականացման համար:

Ֆինանսական դաշտում բացառված չեն անկանխատեսելի ծախսերը, հիմա կարելու է՝ չվատնել այն, ինչ ունեք: Անձնական կյանքում սպասվում են նորություններ: Միայնակները ունեն իրենց սերը գտնելու մեծ շանսեր:

ՎԻՇԱՊ (1952, 1964, 1976, 1988, 2000, 2012)



Սպասվում են փոփոխություններ, բայց՝ ո՛չ արմատական: Խորհուրդ է տրվում բավարարվել ունեցածով: Ձեր այս տարվա ձեռքբերումները կլինեն խառը՝ սպասված ու չսպասված: Նպատակներին հասնելու ճանապարհին դրսևորած համբերատարությամբ ու ողջախոհությամբ շնորհիվ, ի վերջո, Վիշապը կկարողանա հաղթահարել բոլոր փորձությունները: Ծագած խնդիրների լուծմանը կնպաստեն մերձավորների գործնական աջակցությունն ու բարի փոխհարաբերությունները: Նկատի ունեցեք՝ առանց այդ աջակցության ոչնչի չեք կարողանա հասնել: Եկամուտները կմնան կայուն կամ փոքր-ինչ կաճեն: Կաճեն նաեւ ծախսերը:

Անձնական կյանքում, ողջ տարվա ընթացքում, ձեզ սպասվում են փոփոխություններ, որոնք հիմնականում կլինեն դրական ու ցանկալի:

Սպասվում են խաղաղ եւ ձեզ կընծեի խնդիրների հետեւողական լուծման հնարավորություն: Լուրջ դժվարություններ չեն սպասվում: Ողջ տարին կուղեկցվի հաջողություններով: Ի դեպ, այն կարող է դառնալ հաջորդ տարվա վերընթաց թռիչքի հիմքը: Բայց դա բնավ չի նշանակում, որ աշխատանքում ու կարիերայում չեն լինի դժվարություններ: Մեր խորհուրդն է՝ մինչ կարեւոր որոշում կայացնելը, ամեն ինչ ծանրուկշիռ անել: Տարին հարմար է նոր ծրագրերի համար: Նպատակի իրագործման համար՝ ձեզանից կպահանջվեն առավելագույն ջանքեր:

ՕՉ (1953, 1965, 1977, 1989, 2001, 2013)



Տարին կբերի շատ հիշելի տպավորություններ, բայց արմատական փոփոխություններ չսպասեք: Ընդհանուր առմամբ՝ 2023-ը ձեզ համար կլինի դրական՝ կյանքի բոլոր ուղղություններում: Իսկ հնարավոր փորձությունները Օձը կկարողանա հաղթահարել՝ իր բնածին իմաստության ու համբերատարության շնորհիվ: Հիմա դուք հակված եք առավելապես դատողությունների, սակայն հեռու եք դրանց իրականացման համար պահանջվող ակտիվ գործողություններից: Սառնասրտությունը եւ աշխատասիրությունը Օձին կօգնեն հասնել ցանկալի արդյունքների ու նաեւ՝ շրջապատի հարգանքին:

Ինչ վերաբերում է անձնական կյանքին, ապա, սիրելիների եւ մերձավորների հետ փոխհարաբերություններում, կոնֆլիկտներից ու գժտություններից զերծ մնալու համար, խորհուրդ ենք տալիս՝ խուսափել տաքարյունությունից ու անհամբերությունից:

ՉԻ (1954, 1966, 1978, 1990, 2002, 2014)



Կհաջողվի լուծել շատ խնդիրներ եւ իրականացնել գործնական ծրագրեր: Առաջին կիսամյակում սպասվում են դժվարություններ, բայց աստղերը կօգնեն նեգատիվի թուլացմանը եւ դժվարությունների հաղթահարմանը: Չնայած աշխատանքային ինչ ու ինչ խանգարիչ հանգամանքների, դուք ձեր տքնանքով ու աշխատասիրությամբ կկարողանաք վաստակել արժանի հարգանք ու բարի անուն: Այս տարի բացառված չեն գործընկերների կողմից մախանձի ու անբարյացակամության դրսևորումները, փորձեք դրանք անտեսել: Զգուշացեք նաեւ փողի, անձնական հաշվեհամարի կորստից, որը կարող են իրականացնել զրպանահատները:

Սպասվում են անկանխատեսելի ծախսերը, հիմա կարելու է՝ չվատնել այն, ինչ ունեք: Անձնական կյանքում սպասվում են նորություններ: Միայնակները ունեն իրենց սերը գտնելու մեծ շանսեր:

ԱՅԾ (1955, 1967, 1979, 1991, 2003, 2015)



Ունեցած տաղանդների բացահայտման հարմար ժամանակը եկել է: Հիմա ձեզանից են կախված ստեղծագործական հաջողությունները: Ընդհանուր առմամբ՝ տարին կանցնի խաղաղ ու բարեհաջող: Կբերի ցանկալի կայունություն՝ ձեր կյանքի բոլոր ոլորտներում: Կարիերայում Այծին կաջակցեն երկնային ուժերը: Այս տարի կարող եք համարձակորեն ձեռնարկել նոր թիզներ:

Այս կենդանակերպի միայնակ ներկայացուցիչներին խորհուրդ է տրվում՝ չանտեսել ամուսնության պոտենցիալ թեկնածուներին. նրանց մեջ անպայման կհայտնվի ձեզ համար ամենահարմարը:

Սպասվում են անկանխատեսելի ծախսերը, հիմա կարելու է՝ չվատնել այն, ինչ ունեք: Անձնական կյանքում սպասվում են նորություններ: Միայնակները ունեն իրենց սերը գտնելու մեծ շանսեր:

ԿԱՊԻԿ (1956, 1968, 1980, 1992, 2004, 2016)



Ժամանակն է զբաղվել ինքնակրթությամբ, ուսումով կամ աշխատանքով: Խորհուրդ ենք տալիս՝ չտրվել ավելորդ հույզերի, լինել առավելագույնս զուսպ: Կապիկի համար տարին կարող է լինել բավականին բարդ ու լարված: Սակայն, նրանում կան նաեւ դրական դրսևորումներ, որոնք կենդանակերպի այս նշանին կօգնեն հաղթահարել ճակատագրի բերած մարտահրավերները: Ձեզ հարկ կլինի բախվել աշխատանքային բազում խնդիրների, որոնք ի վերջո կլուծեք: Կուղեգանքի հետ շփումներում՝ խուսափեք գժտություններից ու վեճերից: Կապիկը կկանգնի՝ անցյալի սխալների մասին խորհելու եւ այդ սխալներն ընդունելու խնդրի առջև, ինչը նրան կօգնի դրանք չկրկնել: Միայն այդ կերպ կկարողանաք ապահովել կյանքում ձեր ճիշտ առաջընթացը: Ֆինանսական կայունության համար՝ փորձեք լինել հնարավորինս խնայող:

Սպասվում են անկանխատեսելի ծախսերը, հիմա կարելու է՝ չվատնել այն, ինչ ունեք: Անձնական կյանքում սպասվում են նորություններ: Միայնակները ունեն իրենց սերը գտնելու մեծ շանսեր:

ԱՔԼՈՐ (1957, 1969, 1981, 1993, 2005, 2017)



Հարկավոր է գործերում դրսևորել զգուշություն: Ճագարի խրախուսանքին եւ օգնությանը արժանանալու համար՝ պետք է համառ ջանքեր գործադրել, լինել հնարավորինս եռանդուն: Աքլորին սպասվում է հակադրություններով լի տարի. ձեռքբերումների հետ՝ նաեւ կորուստներ: Աշխատանքի եւ կարիերայի հարթակներում՝ Աքլորը կարող է կանգնեցնել դժվարությունների ու խոչընդոտների առաջ. հնարավոր է՝ կա՛մ աշխատանքի կորուստ, կա՛մ աշխատավարձի նվազում: Փոխարենը տարին հաջող կլինի սիրո հարցում: Մեր խորհուրդն է՝ առավելագույն համբերատարություն կուղեգանքի հետ հարաբերություններում: Բարի փոխհարաբերություններ հաստատեք նոր ընկերների հետ: Հենց գործընկերներն ու համախոհները ձեզ կսատարեն աշխատանքային խնդիրներում:

Սպասվում են անկանխատեսելի ծախսերը, հիմա կարելու է՝ չվատնել այն, ինչ ունեք: Անձնական կյանքում սպասվում են նորություններ: Միայնակները ունեն իրենց սերը գտնելու մեծ շանսեր:

ՇՈՒՆ (1958, 1970, 1982, 1994, 2006, 2018)



Հարկավոր է ավելի շատ ժամանակ տրամադրել բարեկամներին: Անձնական ճակատում ամեն ինչ լավ է: Տարին կբերի փոփոխական հոսանքներ: Կորստերի բավականին դրական միտումներ ու բարյացակամություն, սակայն լիարժեք հաղթանակներ չի բերի: Աշխատանքում կլինեք ակտիվ, ինչի շնորհիվ եւ կվաստակեք դեկավարության արժանի գնահատականը: Աշխատանքային վեճերից ու ավելորդ լարվածությունից խուսափելու համար՝ պահպանեք բարեկամական հարաբերություններ գործընկերների հետ: Ֆինանսների հարցում զգուշացեք եւ հնարավորինս խուսափեք ներդրումներից:

Սպասվում են անկանխատեսելի ծախսերը, հիմա կարելու է՝ չվատնել այն, ինչ ունեք: Անձնական կյանքում սպասվում են նորություններ: Միայնակները ունեն իրենց սերը գտնելու մեծ շանսեր:

Սպասվում են անկանխատեսելի ծախսերը, հիմա կարելու է՝ չվատնել այն, ինչ ունեք: Անձնական կյանքում սպասվում են նորություններ: Միայնակները ունեն իրենց սերը գտնելու մեծ շանսեր:

ԽՈՁ (1959, 1971, 1983, 1995, 2007, 2019)



Այս տարի, որոշումներ ընդունելուց, աշխատեք լինել հնարավորինս զգույշ, բայց, զգուշությամբ հանդերձ, մի՛ վախեցեք հնարավոր փոփոխություններից:

Կա ավելի բարձր պաշտոն ստանալու հավանականություն: Խոզի տարում ծնվածներին սպասվում է հաջող եւ բոլոր առումներով բարենպաստ տարի: Կարելու է՝ բաց չթողնել ձեզ ընծեված նոր հնարավորությունները: Աշխատանքում եւ կարիերայում կունենաք բազում առաջընթացներ: Գործընկերների շրջանում՝ վստահելի հարաբերություններ, շրջապատում՝ բարյացակամ մթնոլորտ: Դրական փոփոխությունները կբերեն նաեւ եկամտի ավելացում:

Սիրո հարթակում այս տարի Խոզը, մյուս բոլոր կենդանակերպերից, ամենահաջողակն է լինելու: Չամուսնացածները կամ միայնակները կունենան իրենց երկրորդ կեսին հանդիպելու շանսեր: Միակ բանը, որի մասին հարկ կա հոգալու եւ զգուշանալու, առողջությունն է: Առողջական խնդիրներից խուսափելու համար՝ հենց այս պահից զբաղվեք օրգանիզմի ամրապնդմամբ, որպեսզի հնարավորինս բացառեք խնդիրների հետ բախվելու հավանականությունը:

Պատրաստեք ՁՈՒԼԻԵՏՈՒ ԲԱՊԱՆԱՆՈՒ



	ՀՈՒՆՎԱՐ					ՓԵՏՐՎԱՐ				ՄԱՐՏ				ԱՊՐԻԼ				ՄԱՅԻՍ					ՀՈՒՆԻՍ									
Երկ.	2	9	16	23	30		6	13	20	27		6	13	20	27	3	10	17	24	1	8	15	22	29		5	12	19	26			
Երք.	3	10	17	24	31		7	14	21	28		7	14	21	28	4	11	18	25	2	9	16	23	30		6	13	20	27			
Չրք.	4	11	18	25		1	8	15	22		1	8	15	22	29	5	12	19	26	3	10	17	24	31		7	14	21	28			
Հինգ.	5	12	19	26		2	9	16	23		2	9	16	23	30	6	13	20	27	4	11	18	25		1	8	15	22	29			
Ուրբ.	6	13	20	27		3	10	17	24		3	10	17	24	31	7	14	21	28	5	12	19	26		2	9	16	23	30			
Շաբ.	7	14	21	28		4	11	18	25		4	11	18	25		1	8	15	22	29	6	13	20	27		3	10	17	24			
Կիր.	1	8	15	22	29		5	12	19	26		5	12	19	26		2	9	16	23	30	7	14	21	28		4	11	18	25		
	ՀՈՒՆԻՍ					ՕԳՈՍՏՈՍ				ՍԵՊՏԵՄԲԵՐ				ՀՈԿՏԵՄԲԵՐ				ՆՈՅԵՄԲԵՐ					ԴԵԿՏԵՄԲԵՐ									
Երկ.	3	10	17	24	31		7	14	21	28		4	11	18	25		2	9	16	23	30		6	13	20	27		4	11	18	25	
Երք.	4	11	18	25		1	8	15	22	29		5	12	19	26		3	10	17	24	31		7	14	21	28		5	12	19	26	
Չրք.	5	12	19	26		2	9	16	23	30		6	13	20	27		4	11	18	25		1	8	15	22	29		6	13	20	27	
Հինգ.	6	13	20	27		3	10	17	24	31		7	14	21	28		5	12	19	26		2	9	16	23	30		7	14	21	28	
Ուրբ.	7	14	21	28		4	11	18	25		1	8	15	22	29		6	13	20	27		3	10	17	24		1	8	15	22	29	
Շաբ.	1	8	15	22	29		5	12	19	26		2	9	16	23	30		7	14	21	28		4	11	18	25		2	9	16	23	30
Կիր.	2	9	16	23	30		6	13	20	27		3	10	17	24		1	8	15	22	29		5	12	19	26		3	10	17	24	31

ՀՈՒՆՎԱՐ. 1, 2 - Նոր տարի, 7 - Սուրբ Ծնունդ, 19 - Ջրօրհներ: **ՄԱՐՏ.** 3 - Մայրության օր, 8 - Կանանց միջազգային օր: **ԱՊՐԻԼ.** 9 - Վրաստանի ազգային միասնության օր, 14 - Կարմիր ուրբաթ: 16 - Սուրբ Զատիկ, 17 - Հանգուցյալների հիշատակի օր: **ՄԱՅԻՍ.** 9 - Հաղթանակի օր, 12 - Սուրբ Անդրեաս Առաքյալի հիշատակի օր, 26 - Վրաստանի պետական անկախության վերականգնման օր: **ՕԳՈՍՏՈՍ.** 28 - Մարիամոբա: **ՀՈԿՏԵՄԲԵՐ.** 14 - Սցիսերոբա: **ՆՈՅԵՄԲԵՐ.** 23 - Գիորգորա:

Հայ Առաքելական եկեղեցու տաղավար տոները, որոնք Հայաստանում ոչ աշխատանքային օրեր են: **ՀՈՒՆՎԱՐ.** 5 - Շրագալույցի տոն, 6 - Սուրբ Ծնունդ եւ Աստվածհայտնության տոն (Սկրտություն), 7 - Հանգուցյալների հիշատակի օր: **ԱՊՐԻԼ.** 7 - Կարմիր ուրբաթ, 9 - Սուրբ Զատիկ, 10 - Հանգուցյալների հիշատակի օր, 24 - Ցեղասպանության զոհերի հիշատակի օր: **ՀՈՒՆԻՍ.** 16 - Պայծառակերպություն, 17 - Հանգուցյալների հիշատակի օր: **ՕԳՈՍՏՈՍ.** 13 - Վերափոխում, 14 - Հանգուցյալների հիշատակի օր: **ՍԵՊՏԵՄԲԵՐ.** 17 - Խաչվերաց, 18 - Հանգուցյալների հիշատակի օր:

«Վրաստան» թերթի հաջորդ համարը լույս կտեսնի հունվարի 14-ին:

Գլխավոր խմբագիր՝ ՎԱՆ ԲԱՅԲՈՒՐՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ԲՅՅԵՆ ՅՈՆԱՅՅԵՐԹԻ: ԹԶՈՒՐՆԻ 0105, ԶԱՌՄԵՐՈՒՆ ՄՅԻՃ 5.
Մեր հասցեն Թբիլիսի 0105 Գ.Աթոնելի փ. 5
ԹՖՔ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 4 - 1439
«ԿՈՆՈՐ» հրատարակչություն

«ՅՐԱՍՏԱՆ»
ԹԶՈՒՐՆԻ, ՆԱՅՅԵՐԹԻ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445